

XIHUNDLA XA

XIKWEMBU

NHLAVUTEO 10:7



VUNDZENI BYA TINHLOKO-MHAKA



- 2 Leswi Swi Ngariki Swa Ntumbuluko
- 8 Kuavanyisa
- 12 Vito
- 16 Vutomi Emahlweni
- 22 Xidyoho Xo Sungula
- 28 Siku Leri Ri Chavisaka Ra Hosi
- 34 Rito

www.hungu.info
kumbe

VOICE OF GOD RECORDINGS
58 DISA RD., ADMIRAL'S PARK, GORDON'S BAY,
7140 WESTERN CAPE, REPUBLIC OF SOUTH AFRICA

XANA XIKWEMBU XA HA ENDLA MINTIRHO
YA MATIMBA KU KOTISA LEYI XI NGA YI
ENDLA EBIBELENI XANA?

U TSHAME U TIVUTISA LESWAKU
HIKOKWALAHO KA YINI U FANELE HI KU
KHUVURIWA XANA?

HIKOKWALAHO KA KUVA NTSENE U RI
XIRHO XA KEREKE, SWI NGA HAVA SWESWO
SWI VULA LESWAKU U PONISIWILE?

KAHLE-KAHLE KU HUMELERILE YINI EXIKARHI
KA NYOKA NA EVHA ENTANGENI WA EDEN?

XANA WA SWITIVA LESWAKU BIBELE YI
TSHEMBHISE LESWAKU XIHUNDLA XA
XIKWEMBU XI TA HETISEKA EKA MASIKU
LAWA YO HETELELA XANA?

HI WONA NKARHI WA SWIHUNDLA LESWAKU
SWI KHIYUNURIWA SWI PALUXERIWELA
MISAVA.

**XANA WA SWI TSAKELA KU YINGISELA
RITO RA NTIYISO RA XIKWEMBU XANA?**

Kambe emasikwini ya rito ra ntsumi ya ntlhanu na
timbirhi, loko yi ta yimba nanga, hilaha **xihundla** xa
Xikwembu xi nga ta hetiseka, hilaha xi byeleke malandza
ya xona ya vaprofeta hakona. NHLAVUTELO 10:7

LESWI SWI NGARIKI SWA NTUMBULUKO

YOHANA 14:12

*NDZI VURISILE, NDZI VURISILE,
NDZI RI KA N'WINA, LA
PFUMELAKA KA MINA, MINTIRHO
LEYI NDZI YI ENDLAKA U TA YI
ENDLA NA YENA; U TA ENDLA NI
LEYI TLULAKA LEYI; HIKUVA NDZI
YA KA TATANA.*

MARKA 16:17-18

*HI WONA MASINGITA LAMA YA NGA TA LANDZELA LAVA
PFUMELEKE; VA TA HLONGOLA MADIMONA HI VITO RA MINA; VA TA
VULAVULA HI TINDZIMI LETINTSHWA;

VA TA KHOMA TINYOKA; KUTANI HAMBI VA NGA NWAN CHUMU
LOWU DLAYAKA, WU NGA KA WU NGA VA ENDLI NCHUMU; VA TA
VEKA MAVOKO EHENGHLA KA LAVA VABYAKA, KUTANI VA TA HANYA.*

Hinkwerhu ka hina hi nga ha pfula mapapila ya Bibele hi vona leswaku Xikwembu xa endla masingita: Muxe u avile Lwandle ro Tshwuka, Eliya u vitanile ndlala, Yesu u fambile ehenhla ka mati, nakona vadyondzisiwa va hanyisile vavabyi. Ku na magidigidi ya leswi swi nga humelela swa masingita lawa ya nga rhikhodiwa a Bibeleni. Loko hi leswaku Xikwembu xi hlayisa vumbhoni bya *masingita na swihlamariso*, se ya kwihi mahlorhi ya Xona namuntlha? Xana Xi nga ha hanyisa mfukuzani tani hilaha Xi hanyiseke hakona nhlokonho a Bibeleni? AIDS yona ke kumbe darhi? Xana Xi nga ha endla mahlorhi xana? Ina, Xikwembu xa ha endla mahlorhi na *masingita lawa ya landzaka vona lava va pfumelaka*.

Sweswi, langutani vanghana, ehleketani hi King George wa England, loko a tava a hanyisiwile eka vuvabyi bya multiple sclerosis, loko hi tava hi n'wi khongelerile. Ehleketani hi Florence Nightingale, (kokwani wa yena wa xisati, a nga musunguri wa nhlangano wa Xihambano xo Tshwuka), a tika kwalomu ka makume ntsevu wa ntiko hi ku tika, a pavalarile ari ekufeni halahaya hi mfukuzani erhumbyini ra le khwirini, a pavalarile lahaya ari ekufeni. Tuva leri ntsongo ri hahela enhoveni lahaya kutani Moya wa Xikwembu wu ta wu ta ku, "Hi LESWI SWI VULAKA HI HOSI, u ta hanya." Nakona sweswi u tika dzana na makume ntlanu-ntlanu hi ntiko eka rihanyo leri hetisekeke.

Ehleketani hi Congressman Upshaw loyi a tshama a bohiwile a switulwini na le mubedveni lembe rin'wana na rin'wana, ku ringana makume ntsevu ntsevu wa malembe. Kutani hi xinkadyana a tlakuka a yima hi milenge ya yena, a tsutsuma-tsutsuma na muako, a khumbha swikunwani swa yena, a endliwe la hetisekeke a va wa kahle a tlhela a hola.

Ntsena ehleketani hi magidi na magidi ya vanhu lava va nga hanyisiwa. Hi tshamela yini lahwani kukondza hi fa xana? A hi endleni swin'wana ha swona.

Va na na ripfumelo loko u vabya kumbe u ri na xilaveko. Bibele yi vula leswaku Yesu Kreste wa ha ri yena wa tolo, na namuntlha, na hilaha ku nga heriki, swingaleswi loko a kotile ku endla mahlori magidi mbirhi wa malembe lawa ya nga hundza, kutani Wa ha swikota na namuntlha. U hi tshembhisile leswaku hi horisiwile, loko ntsena hi *nga pfumela*.


William D. Upshaw

u tirhe nhungu wa malembe a United States House of Representatives a tlhela a fambisa vupresident hi 1932. Nghozi ya vurimi yi n'wi limatil a ha ri n'wana, kutani a hanya 66 wa malembe a ri karhi a famba hi timhandzi kumbe eka xitulu xa mavhilwa. Hi 1951, u horisiwile hi ku hetiseka a tlhela a famba kahle vutomi bya yena hinkwabyo.



Tris Griffin

u yile ehofisini ya dokodela ekusunguleni ka 2013 hi ku karhatiwa hi nhlana laha ari eku chaveni ka leswaku ku nga hava kuri ku vuyelela ka nyimpi ya yena na mfukuzani. MRI yi kombisa "aortic dissection" a mbilwini, laha yi nga endla leswaku vadokodela va endla swikambelo swin'wana kutani va swi endla leswaku swi va eka vukamberi hi siku leri a ri landzela. Ntila lowu a wu ri embilwini eka xivumbeko xo vaviseka hiloko a tholeta laha swi nga ha vulaka rifu ra xihatla nkari wun'wana loko swi nga susiwa.



Hi siku leri ri landzelaka, endzhaku kaloko vapfumeri va n'wi khongelerile, vadokodela va kunguhatile ku skena kun'wana ka CT ku boha laha ku handzukaka loko a tholeta a nga siya eka sejari. Eka lowu nkarihi, swivumbeko swi kombisa mbilu leyi yi nga hola hi ku hetiseka. Baffled, wa sejari u byerile Manana Griffin leswaku, "A ndzi switivi leswaku ndzi nga ku byela yini. A wu ri na aortic dissection, kambe sweswi vumboni hinkwabyo byi famble." U n'wi kombisile swivumbeko loko a nga se khongeleriwa, na loko a khongeleriwile. "U tshuxekile ku ti fambela, hi ndlela yin'wana, ka hari hava sayini leyи yi kombisaka mfukuzani. U le ka rihanyu leri ri hetisekeke."



(a ximatsini) Nseve wa dokodela wu kombe ka aorta, laha a ku ntimile, ndhawu ya xirhendzevutani exikarhi ka xivumbeko. Layini ya dayigonal leyi yi nga eka xona i aneurism, kumbe dissection ya aorta, leyи yi lavaka sejari ya xihatla nakona yi ta hangalaka loko yi nga susiwa. (Hi le henhla) Ku skena ka vumbirhi ku tekiwile hi siku leri tlhandlamaka. Dissection yi kumeke yi nyamalalele makumu nakona a ya ha kalanga yi vuya.

Minkongomiso

PISALEMA 103:2-3

Moya wa nga, nkhensa YEHOVHA! Na swona hinkwaswo leswi nga ka mina a swi nkhense vito ra ku kwetsima ka yena:

Hi yena la ku rivalelaka milandzu ya wena hinkwayo. La hanyisaka mavabyi ya wena hinkwawo;

ESAYA 53:5

Kambe yena, u tlhaviwile hikwalaho ka swidyoho swa hina, u thoviwile hikwalaho ka ku homboloka ka hina; mimpfembeti leyи hi nyikaka ku rhula, yi le henhla ka yena; kutani hi tshunguriwa hi timbanga ta yena.

MARKA 16:17

Hi wona masingita lama ya nga ta landzela lava pfumeleke; va ta hlongola madimona hi vito ra mina, va ta vulavula hi tindzimi letintshwa;

LUKA 17:6

Hosi yi ku, Loko mi ri ni ku pfumela loku fanaka ni ndoho ya sinapi, hambi mi nga ku ka muri lowa nkluwa, U tisimula, u ya tisimeke lwandle, ngi wu ta mi yingisa.

YOHANA 14:12

Ndzi virisile, ndzi virisile, ndzi ri ka n'wina; La pfumelaka ka mina, mintirho leyи ndzi yi endlaka, u ta yi endla na yena, u ta endla ni leyи tlulaka leyи, hikuva ndzi ya ka Tatana.

I VATESALONIKA 1:5

Hikuva Evhangeli ya hina a yi tangi ka n'wina hi marito ntsena, kambe yi tile hi matimba, ni Moya lowo Kwetsima, ni ku khorwisa lokukulu, hilaha mi tivaka mahanyelo ya hina eka rikwerhu hikwalaho ka n'wina.

HVAHEVERU 2:3-4

Hina hi ta chupukisa ku yini, loko hi nga xiyi ku hlayiseka loko tano, loku nga sungula ku vuriwa hi Hosi, kambe ku tiyisiwile eka hina hi lava swi yingiseke;

Xikwembu xi ri karhi xi tiyisa vumboni bya vona hi swikombiso leswa masingita, ni mintirho leyо tala ya matimba; swi ri karhi swi va avela nyiko ya Moya lowo Kwetsima, hilaha xi swi rhandzaka ha kona.

HVAHEVERU 13:8

Yesu Kreste i un'we, hambi tolo, hambi namuntlha, ni hilaha ku nga heriki.

YAKOB 5:15

Kutani ku khongela loku endliwaka hi ku pfumela ku ta hanyisa muvabyi, kutani Hosi yi ta n'wi pfuxa masangwini; kambe kungaku loko a dyohile, u ta rivaleriwa.

I PETRO 2:24

Hi yena la rwaleke swidyoho swa hina emirini wa yena ensinyeni, leswaku hi fa hi tlhelo ra xidyo, kambe hi hanyela ku lulama; loyi kambe mi horisiweke hi timbanga ta yena.

KUAVANYISA

PISALEMA 96:13

EMAHLWENI KA YEHOVHA:
HIKUVA WA TA, WA TA EKU
AVANYISA MISAVA: U TA
AVANYISA MISAVA HI KU
LULAMA, NI MATIKO HI VUNENE
BYA YENA.

Ku na magidi-gidi ya tidinominexini to hambanana emisaveni namuntlha. Vukhongeri byin'wana na byin'wana byi sola byin'wana, hambi swi ri tano hinkwato ka tona ti tshembhisive ku ponisiwa eka tidinominexini ta vona. Hi switiva njhani leswaku hi yihi leyi hi faneleke ku yi hlawula? Loko hi leswaku hi hlawula kereke ya Khatholiki, kutani hi amukela *ku khongeleta ka vakwetsimi*, lava va nga ha khongeriki swikwembu swa hava. Bibele yi ri, "Hikuva ku na Xikwembu xin'we, na muhlanganisi un'we exikarhi ka Xikwembu na vanhu, munhu loyi a nga Kreste Yesu;" (1 Tim 2:5). Muprista u vitaniwa "Fada" leswi swi nga aleriwa hi Yesu eka Matewu 23:9: "Kambe mi nga tshuki mi vula munhu la misaveni, tatana, hikuva i un'we ntsena la nga Tatana wa n'wina, hi loyi a nge matilweni." Ma Assemblies Of God ma hi byela leswaku ku vulavula hi tindzimi i



vumbhoni byo sungula bya Moya Iowo Kwetsima, loko Paul a teri, "Hambi ndzi nga vulavula hi tindzimi ta vanhu na tintsumi, loko ndzi ngari na rirhandzu, ndzi kotisa nanga leyi yi yimbaka, hambi swi ri swiphambati leswi swi pfumaka." (1 Vako 13:1)

Hakanyingi tidinominexini hinkwato ta hatlisela ku hi byela leswaku swilo swotala leswi swi nga endzeni ka Bibele a swi tolokiwanga kahle, swi lahlekile eka vuundzuluxeri, kumbe a hi swa misava ya namuntlha. Swingaleswi, xana hi fanele ku pfumela Bibele kumbe tidyondzo ta xidinominexini xana? Xana Xikwembu xi ngava xi tirhisa mpimo muni wo avanyisa xana?

Loko ndzi nga vutisa ma Khatholiki vusiku lebyi lahawani, "Leswaku mi ehleketa leswaku Xikwembu xexo xi ta avanyisa misava hi yini?" Ma Khatholiki ma ri, "Hi Kereke ya Khatholiki." Hi swona, sweswi Kereke ya Khatholiki yihi? Sweswi va na ma Rhoma, ma Greek Orthodox, na votala va vona. Yi tava yi ri Kereke yihi ya Khatholiki leyi yi nga tava yona? Ma Luthere ma ri, "Hi hina," swi ri n'wina ma Baptist mi le handle. Nakona loko hi nga vula leswaku, "Hi ma Baptist," kutani n'wina ma Pentekostal mi le handle. Swingaleswi ku tava na mpfilu-mpfilu wo kotisa walowo, ku hava loyi a nga tivaka leswi a nga swi endlaka; swingaleswi a Xi tshembhisanga kuavanyisa misava hi kereke.

Xi tshembhise kuavanyisa misava hi Kreste, nakona Kreste i Rito. Nakona Bibele hi yona yi nga ta avanyisa misava, laha ku nga Yesu Kreste loyi a nga wa tolo, namuntlha, ni hilaha ku nga heriki.

Minkongomiso

YOHANA 1:1

Ekusunguleni Rito a ri ri kona, Rito a ri ri ni Xikwembu, kutani Rito a xi ri Xikwembu.

YOHANA 1:14

Kutani Rito ri endliwile nyama, ri akile xikarhi ka hina (kambe hi hlalele ku vangama ka rona, ku nga ku vangama ka N'wana la nga swakwe, la humaka eka Tatana,) a tele tintswalo ni vunene.

YOHANA 5:22

Tatana a nga avanyisi munhu ni un'we, kambe u nyikile N'wana ku avanyisa hinkwako:

YOHANA 12:48

La ndzi alaka, a nga amukeri marito ya mina, u ni la n'wi avanyisaka; e rito leri ndzi nga ri vula, hi rona leri nga ta n'wi avanyisa hi siku ra makumu.

VAEFESA 1:5-7

Hikuva hi rihandzu ra xona xi hi hlawurile khale ku hi endla vana va xona ha Yesu Kreste, hi ku tirhandzela ka vunene bya xona,

Eku dzunisiweni ka tintswalo to kwetsima ta xona, leti xi hi endeke ha tona lava tsakisaka eka murhandziwa wa xona;

Ha yena hi ni ku kutsuriwa hi ngati ya yena, ku nga ku rivaleriwa ka ku dyoha ka hina hi rifiwu ra tintswalo ta xona;

VAEFESA 2:5-8

Loko a hi tifele milandzwini ya hina, ndzi ri, swi hi hanyisile swin'we na Kreste, (hikuva mi hlayisekile hi tintswalo;)

Kutani xi hi pfuxe swin'we, xi tlhela xi hi tshamisa swin'we etindhwini tale matilweni eka Yesu Kreste;

Leswaku eminkarhini leyi yi taka, xi ta kombisa rifumo leri tlurisaka ra tintswalo ta xona hi vunene bya xona, lebyi xi hi endelalaka ha byona eka Yesu Kreste.

Hikuva mi hlayisekile hi tintswalo, hi ku pfumela, kutani leswo a swi humi ka n'wina, i ku nyika ka Xikwembu;

I YOHANA 1:7

Kambe kungaku loko hi famba eku vonakaleni, kukota xona xi nge ku vonakaleni, hi ni ku hlangana swin'we, kutani ngati ya Yesu Kreste, N'wana wa xona, ya hi hlantswa, yi susa swidyo ho hinkwaswo swa hina.

NHLAVUTELO 22:18-19

Ndza tiyisa vumbhoni bya mina eka un'wana ni un'wana la yingisaka vuprofeta bya buku ley, leswaku loko munhu un'wana na un'wana a engetela eka swilo leswi, Xikwembu xi ta engeteleta ehenhla ka yena emakhombo lama tsariweke bukwini ley:

Kutani loko un'wana a hunguta timhaka tin'un'wana ta buku ya vuprofeta lebyi, Xikwembu xi ta susa ku averiwa ka yena emirhini wa vutomi, ne mutini lowo kwetsima, swi nga leswi tsariweke bukwini ley.



MARKA 16:16

*LA NGA TA PFUMELA KUTANI A
KHUVURIWA U TA HLAYISEKA;
KAMBE LA NGA PFUMERIKI U TA
AVANYISIWA.*


MINTIRHO 2:38

PETRO A KU KA VONA, HUNDZUKANI, KUTANI UN'WANA
NI UN'WANA A KHUVURIWA HI VITO RA YESU KRESTE, EKU
KHOMERIWENI KA SWIDYOHO, KUTANI MI TA AMUKELA NYIKO WU
NGA MOYA LOWO KWETSIMA.

Swo va arivaleni, leswaku nkhuvulo wu na nkoka, kambe
swi na mhaka *na ku hi khuvurisiwe ku yini?* Ku na nkhuvulo
lowu wu nga lulama, kumbe wun'wana na wun'wana wu
nga ha tirha? Loko u pfumela Bibele, kutani INA, kuna
nkhuvulo wa ntiyiso.

Tikereke totala ti khuvula hi Vito ra Tatana, N'wana, na
Moya lowo Kwetsima, kambe leswi a hi ntiyiso ku ya hi
Bibele.

Eka Mintirho 19, a kuri na vanhu van'wana lava a va
pfumerile eka Yesu Kreste, kambe hambi swi ri tano a va
nge se amukela Moya lowo Kwetsima etimbilwini ta vona.
Muapostola Paul a tiva ndlela leyinene ya ku amukela Moya
lowo Kwetsima, swingaleswi u va vutisile leswaku, "Xana
mi khuvuriwe hi nkhuvulo wihi?" Hiloko va ku, "Hi nkhuvulo
wa Yohana." (Mintirho 19:3) Paul u swi vonile leswaku a
va khuvuriwanga ku ya hi ku lerisa ka Petro eka Mintirho
2:38, swingaleswi hiloko a va lerisa leswaku va tlhela va
khuvuriwa nakambe hi Vito ra Hosi Yesu. Kutani, tani hilaha
swi tshembhisiweke, va amukerile Moya lowo Kwetsima.





Swingaleswi, hikokwalaho ka yini vadyondzisiwa va khuvule eVitweni ra Yesu loko Yesu, yena hi Yexe, a va byerile leswaku va khuvula hi **Vito** (kungari "mavito") ra Tatana, na ra N'wana, na ra Moya lowo Kwetsima? (Mat 28:19) Xana va nga va va endlile xihoxo xana? Ee! Va endle ku ya hilaha va nga lerisiwa ha kona.

Tani hiloko mi hlaya atikili leyi, ehleketa hi vito ra wena. Xana u n'wana xana? Hi rona vito ra wena ra, "N'wana"? Xana u manana xana? Hi rona vito ra wena ra, "Manana"? Hakunene a hi rona, leswi swova ntsena swiyimela-mavito. U na rona vito lerinene, swingaleswi swi tano nale ka Xikwembu.

Hi leyi nhlamulo:

Kuhava swo fana na sweswo a Bibeleni tani hilaha un'wana a nga tshama a khuvuriwa hi vito ra Tatana, N'wana, Moya lowo Kwetsima; hikuva kuhava swo fana na sweswo. Tatana a hi vito; na N'wana a hi vito; na Moya lowo Kwetsima a hi vito; kambe Vito ra Tatana, N'wana, Moya lowo Kwetsima i Hosi Yesu Kreste.

Yesu Kreste i Xikwembu! Hi Yena Tatana, N'wana, na Moya lowo Kwetsima.

Loko u ri eku laveni ka Moya lowo Kwetsima nakona u ri eku hlomaleni leswaku hikokwalaho ka yini Hosi yi ngari eku mi nyikeni wona, kutani u nga hava u lava ku tivutisa wena hi wexe xivutiso lexi Paul a nga xi vutisa xa leswaku, "Xana mi khuvuriwe hi nkhuvulo wihi?"

Minkongomiso

MATEWU 28:19

Yanani hakona, mi ya dyondzisa va matiko hinkwavo, mi va khuvula hi vito ra Tatana, ni ra N'wana, ni ra Moya lowo Kwetsima: [Hi rihi Vito ra Tatana? Na Vito ra N'wana? Na Vito ra Moya lowo Kwetsima xana?]

MARKA 16:16

La nga ta pfumela kutani a khuvuriwa u ta hlayiseka; kambe la nga pfumeriki u ta avanyisiwa.

YOHANA 5:43

Ndzi tile hi vito ra Tatana, kutani a mi ndzi amukela; kungaku loko un'wana a ta hi vito ra yena, mi ta n'wi amukela. [Loko hi leswaku U tile hi Vito ra Tatana wa Yena, kutani hi rihi Vito ra Yena?]

YOHANA 10:30

Mina na Tatana wa mina hi un'we.

YOHANA 12:45

Kutani la ndzi hlalelaka, u hlalela la ndzi rhumeke.

YOHANA 14:8-9

*Filipi a ku ka yena, Hosi, hi kombe Tatana, swi tava swi hi ringene. Yesu a ku ka yena: Ndzi tshamile na n'wina khale swonghasi, kasi a wu ndzi tivanga, Filipi! **la ndzi voneke, u vonile Tatana**, kwalaho u vurisa ku yini loko u ku: Hi kombe Tatana?*

YOHANA 20:27-28

Kutani a ku ka Thomas, Tisa rintiho ra wena la, languta ni xandla xa mina; tshambuluta ni voko ra wena u ri ngohenisa tsheveni ra mina, kutani u nga kanakani, kambe u pfumela. Thomas a hlamula, a ku ka yena: Hosi yanga ni Xikwembu xa nga.

MINTIRHO 2:38-39

Petro a ku ka vona, Hundzukan, kutani u un'wana na un'wana a khuvuriwa hi vito ra Yesu Kreste eku khomeriweni ka swidyoho, kutani mi ta amukela nyiko wu nga Moya lowo Kwetsima. Hikuva ku tshembhisa loku ku hlayeriwe n'wina, ni vana va n'wina, ni hinkwavo lava nge kule, ni lava va ha taka vitiwa hi Hosi Xikwembu xa hina.

MINTIRHO 4:12

Kutani a kuna ku hlayiseka ka un'wana, hikuva a kuna vito rimbe ehansi ka matilo leri nyikiweke xikarhi ka vanhu, leri hi fanelaka ku hanyisiwa ha rona.

MINTIRHO 8:12

*Kambe kute loko va pfumela ka Filipi loyi a va byelaka Evhangeli yaku fuma ka Xikwembu, **ni vito ra Yesu Kreste**, vavanuna ni vavasati van'wana va khuvuriwa.*

MINTIRHO 19:3-6

A ku ka vona, Mi khuvuriwile hi ku khuvula kwihi ke? Va ku, Hi ku khuvula ka Yohana. Kutani Paul a ku, Kunene Yohana u khuvuriwile hi ku khuvula ka ku hundzuka, ari karhi a byela tiko leswaku va pfumela kaloyi a taka endzhaku ka yena, a nga Kreste Yesu.

*Ku te loko va twa sweswo, va khuvuriwa **hi vito ra Hosi Yesu**.*

Ku te loko Paul a va tlhandlekile mavoko, Moya lowo Kwetsima wu ta henhla ka vona; kutani va vulavula hi tindzimi, va ri karhi va profeta.

VAEFESA 4:5

*Kuni Hosi yin'we, niku pfumela kun'we, **niku khuvuriwa kun'we**,*

VAKOLOSA 3:17

*Kutani leswi mi swi endlaka hambi yi ri yini na yini hi ku vulavula kumbe hi ku tirha, endlani hinkwaswo **hi vito ra Hosi Yesu**, mi ri karhi mi nkhensa ha yena eka Xikwembu Tatana.*

I YOHANA 5:7

*Hikuva timbholi ti kona ti nga tinharhu leti ti hlayisaka vumbholi etilweni, ku nga Tatana, na Rito, na Moya lowo Kwetsima: **kutani vunharhu lebyi i swilo swin'we**.*

VUTOMI EMALHENI

Vutomi Emahlweni

YOHANA 5:28-29

Mi nga hlamaleni haswona:

HIKUVA NKARHI WA TA, LOWU
HINKWAWO LAVA NGE MASIRHENI,
VA NGA TA TWA RITO RA YENA,
KUTANI VA TA HUMA; LAVA
ENDLEKE SWINENE VA TA PFUKA
EKUYA VUTON'WINI, LAVA
ENDLEKE LESWO BIHA VA TA
PFUKELA KU AVANYISIWA.

Kuna siku leri ri nga ekuteni laha un'wana na un'wana wa hina, hambi u Mukreste kumbe a wu yena, u ta swi kuma hakunene leswi swi nga endzhaku ka khetheni ra nkarhi. Bibele yi tshembhise Vutomi lebyi nga Heriki eka van'wana, na le ka van'wana, yi tshembhisa kuavanyisa. Xivumbiwa xin'wana na xin'wana xa ximunhu eka matimu hinkwawo kahleakahle xi tivutisile xona hi xoxe leswaku, "Xana ku ta humeleta yini ha mina loko ndzi fa xana?"

Khale ku nga si va na Bibele yo hlaya, muprofeta Yobo u hlalerile ntumbuluko. U vulavurile hi ku tshembhela eka nsinya, hilaha wu nga ta tsemiwa hakona ni ku fa, hambi swi ri tano nale ka risuna ra mati, ma endla ximbyarimbyari ya tlhelela endzhaku evuton'wini kutani byi humesa svihluke leswo teng. Yobo u switivile

leswaku munhu, u kukotisa nsinya, u ta tlhela a pfukela evuton'wini:

Loko ngi munhu la feke, a nga tlhela a hanya ke? a ndzi ta yingisela hi masiku hinkwawo ya tinyimpi ta mina, kufikela nkarhini lowu timhaka ta mina ti nga hundzuka.

A wu ta ndzi vitana, a ndzi ta pfumela: a wu ta navela ntirho wa mavoko ya wena.

Kambe u hlaya vukandziyo bya mina: u siya swidyoho swa mina? (Yobo 14:14-16)

Yobo swi nga ha endleka a pfumale Bibele yo yi hlaya, kambe a switiva leswaku Xikwembu siku rin'wana xi ta n'wi pfuxa a sirheni loko Mukutsuri wa vanhu a humelela.

Swangi loko marito ya mina ma nga tsariwa! Loko ngi ma tsariwa bukwini!

A ma tsariwi hi chizele ya nsimbhi ni hi nhumbu eribyeni, hilaha ku nga yiki helo.

Kambe ndza switiva leswaku mukutsuri wa mina wa hanya, hikuva u ta pfuka misaveni a ri yena wa ku hetelela:

*Hambi nhlonge ya mina yi onhakile u ta pfuka, **ndzi ta vona Xikwembu ndzi ri nyameni:** (Yobo 19:23-26)*

Muprofeta a vulavula hi Hosi Yesu na ku pfuka ka vanhu va Yona ekufeni. Hi nhlavutelo Yobo u switivile leswaku hambiloko mimirhi ya hina yi nga vuna yi nyamalala, Yesu u ta vuyisela nyama ya hina. Nakona hi mahlo ya hina, hi ta

vona ku Vuya ka Yena. Hinkwavo vanhu va Xikwembu va navele ku vona siku lero ro kwetsima.

Hambi swi ri tano, ntsena hi ntiiyiso tani hiloko Xikwembu xi hanya, nakambe kahari na javulosi; nakona hi ntiiyiso tani hiloko kuri na Tilo, na tihele ti kona. Malangavi ya tlakukile kutlula hilaha hi nga maehleketa hakona. Muapostola Paul u vule leswaku, “*Tihlo ari si ti vona, endleve a yi si ti twa, a ti nghenanga embilwini ya munhu, timhaka teto, Xikwembu xi ti lunghiseleke lava xi va rhandzaka.*” (1 Vakor. 2:9)

Miehleketo ya hina yi ngaka yi nga twisisi hilaha Matilo ya kahle ya nga tava hakona, hambi kuri ku twisia swihoxo swa tihele. Yesu u hi byerile leswaku tihele tibihe ngopfu leswaku a swi ta antswa loko hi nga susa xirho xa mirhi wa hina kutlula ku rhiska ku ya eka ndhawu yaleyo yo chavisa.

Voko ra wena loko ri ku wisa, ri tsemi: swi nga saseka ka wena loko u nghena evuton'wini u ri xilema, kungari ku ya tiheleni endzilweni lowu nga timekiki u ri na mavoko mambirhi: (Marka 9:43)

Swingaleswi i mani loyi a nga ta ya eTilweni? Nakona i mani loyi a nga taya etiheleni? I miehleketo leyi nga siwaneka, kambe Yesu u vule leswaku vanhu vanyingi va ngaka va nga amukeli mbuyelo lowu Yena a tsakelaka ku wu nyika: *Nghenani hi nyangwa leyo khuma, hikuva nyangwa wa ku lova wu ahlamile, ni ndlela leyi yaka kona yi anamile, kutani ni lava nghenaka kona va tele: Kambe nyangwa ya vutomi yi khumile, ni ndlela leyi yaka kona yi larile, kutani lava yi kumaka, a hi vanyingi.* (Mate 7:13-14)

Yesu a engeta a ku, “**A hi hinkwavo lava va nge eka**

mina, Hosi, Hosi, lava va nga ta nghena ekufumeni ka matilo; kambe ku ta nghena loyi a endlaka ku rhandza ka Tatana wa mina loyi a nga ematilweni. Enkarhini wolowo van'wanyana va ta ku ka mina, Hosi, Hosi, xana a hi dyondzisanga hi vito ra wena ke? Xana a hi hlongolanga madimona hi vito ra wena ke? Xana a hi endlanga masingita layo tala hi vito ra wena ke? Enkarhini walowo ndzi ta vabyela rivaleni, a ndzi mi tivanga, ni siku na rin'we; sukani ka mina, n'wina vadyohi.” (Mate 7:21-23)

Ntsena hikuva munhu a koxa Vukreste a swikali swivula leswaku u ponisiwile. Swingaleswi, lexi xo va xivutiso lexi xi nga erivaleni emiehlekeweni ya hina: Xana Vutomi lebyi nga Heriki ndzi byi amukela njhani? Yesu u hi nyikile nhlamulo yin'wana na yin'wana yo olova ngopfu: *Ndzi vurisile, ndzi vurisile, ndzi ri eka n'wina, La yingisaka rito ra mina, ava a pfumela ka la ndzi rhumeke, u ni vutomi lebyi nga heriki,* kutani a ngaka a nga ti ku avanyisiweni, kambe u sukile kufeni eku nghena vuton'wini. (Yohana 5:24)

Khombo ra kona, kuna vanhu vantsongo emisaveni namunlhha lava va tsakelaka ku teka nkarhi eka masiku ya vona lawa ya nga bizi ku ta va ta yingisela Rito ra Xikwembu. Nakona i vantsongo lava va nga ta pfumela Rito loko va tava vari twile.

Tikereke ti hi byela leswaku hi fanele hi va vanhu va kahle, u ehleketa kahle, u nga hembi, ku xisa, kumbe ku yiva, nakona hi taya eTilweni. A va switwisisi leswaku tihele ti ta tala hi vanhu lava va tikombaka va hanya vutomi bya kahle. Mhaka ya ntiiyiso hi leswaku a hi yi aTilweni

hi swendlo swa hina leswo lulama kumbe hi ri xirho xa kereke yin'wana. Kova na ndlela yin'we ntsena ya Vutomi lebyi nga Heriki, nakona yaleyo i kuya hi Yesu Kreste. U hi lerisile leswaku hi boheka ku PFUMELA Rito ra Yena, leri ri nga Bibebe. Handle ka swona, hi nga ponisiwa njhani?

Loko siku ra ku avanyisa ri ta mi fikela, mi ta twa leswaku, "Tanani, n'wina lava katekisiweke hi Tatana, amukelani ndzhaka ya ku fuma leyi mi nga lunghiseriwa kahari loko misava yi tumbuluka," (Mate 25:34) kumbe mi tatwa leswaku, "Sukani ka mina, n'wina lava rhukaniweke, yanani ndzilweni lowu nga timekiki, lowu lunghiseriweke javulosi na tintsumi ta yena"? (Mate 25:41)

Tani hilaha mahlo ya n'wina ya hlayaka ya tsemekanya marito lawa, mi na xiboho lexi mi nga xi tekaka: Xana mi ta hlawula ku pfumela Rito ra Xikwembu xana?

Hi kwihi laha mi nga ta tshama kona hilaha ku nga heriki xana?

Minkongomiso

YOBO 14:12-16

Hi mukhuwa wolowo munhu u ettele a nga ha pfuki; ku ko ku hela matilo, a ngaka a nga ha pfuki, a ngaka a nga khindlimuki vurhongweni bya yena.

Yo! loko ngi u ndzi fihlike xivandleni xa vafi, u ndzi pfalela hi nkarchi, vukarhi bya wena byi ko byi hundza, u ndzi vekele siku leri u nga ta ndzi andakanya ha rona!

Loko ngi munhu la feke a nga tlhela a hanya? a ndzi ta yingisela hi masiku hinkawo ya tinyimpi ta mina, kufikela nkarchini lowu timhaka ta mina ti nga hundzuka.

A wu ta ndzi vitana, a ndzi ta pfumela; a wu ta navela ntirho wa mavoko ya wena.

Kambe u tlhaya vukandziyo bya mina; u siya swidyo swa mina?

YOBO 19:23-26

Swangi loko marito ya mina ma nga tsariwa! Loko ngi ma tsariwa bukwini!

A ma tsariwe hi chizele ya nsimbli ni hi nhumbu eribeni, hilaha ku nga yiki helo!

Kambe ndza switiva leswaku Mukutsuri wa mina wa hanya, hikuva u ta pfuka misaveni ari yena wa ku hetela;

Hambi ndlonge ya mina yi nga hlaseriwa hi swivungu, kambe ndzi ta vona Xikwembu ndzi ri enyameni.

MATEWU 7:21-23

A hi hinkawo lava nge ka mina, Hosi, Hosi, lava nga ta nghena eku fumeni ka matilo; kambe ku ta nghena la endlaka kurhandza ka Tata wa mina la nge matilweni.

Enkarhini wolovo van'wanyana va ta ku ka mina, Hosi, Hosi, xana a hi dyondzsanga hi vito ra wena ke? xana a hi tlhongolanga madimona hi vito ra wena ke? Xana a hi endlanga masingita layo tala hi vito ra wena ke?

Enkarhini wolovo ndzi ta va byela rivaleni, ndzi ku; A ndzi mi tivanga ni siku rin'we; sukani ka mina, n'wina vadyohi.

MATEWU 22:14

Hikuva lava vitaniweke vatele, kambe lava nga hlawuriwa a hi vangani.

YOHANA 3:16-17

Hikuva Xikwembu xi rhandzile misava swonghasi, xi ko xi nyika N'wana wa xona la nga tsvariwa ari swakwe, leswaku un'wana na un'wana la pfumelaka ka yena, a nga tshuki a lova, kambe a va ni vutomi lebyi nga heriki.

Hikuva Xikwembu a xi rhumanga N'wana wa xona emisaveni ku ta avanyisa misava; kambe hi leswaku misava yi ponisiwa ha yena.

YOHANA 5:24

Ndzi virisile, ndzi virisile, ndzi ri ka n'wina, La yingisaka rito ra mina, ava a pfumela ka la ndzi rhumeke, u ni vutomi lebyi nga heriki, kutani a ngaka a nga ti ku avanyisiweni, kambe u sukile kufeni eku nghena vuton'wini.

I VAKORINTO 2:9

Kambe kukota leswi tsariweke leswaku etimhaka teto, tinhlo ari si ti vona, endleve a yi si titwa, a ti humelelanga embilwini ya munhu, timhaka teto Xikwembu xi ti lungiseleke lava xi va rhandzaka.

I VATESALONIKA 4:13-18

Kambe a ndzi rhandzi vamakwerhu, leswaku mi nga tivi timhaka ta lava tietteleke, mi nga ta vaviseka kukota van'wana lava nga riki na ku tshembha.

Hikuva loko hi pfumela leswaku Yesu u file a tlhela a pfuka, nakona, hi fanele ku pfumela leswaku lava etteleke, Xikwembu xi ta va pfuxa ha Yesu, xi va vuyisa na yena.

Hikuva ha mi byela leswi hi rito ra Hosi leswaku, loko hi ri hina, lava nga ta hanya, lava nga ta salela ku ta Hosi, hi ngaka hi nga rhanglelava etteleke.

Hikuva yona Hosi hi xiviri yi ta xika hi le tilweni, hi huwa leyi lerisiweke, hi rito ra ndhuna ya ntsumi, ni mhala mhalha ya Xikwembu, kutani lava feleke ka Kreste, va ta rhanga va pfuka;

Kutani hina lava hanya; lava hi salaka, hi tekeriwa mapapenii swin'we na vona, ku ya hlangana na Hosi empfukeni; kutani hi mukhuwa wolowo hi tava ni Hosi hilaha ku nga heriki.

Hikwalaho ke ma nga cheveliana hi marito walawo.

XIDYOHOKO Xo Sungula SUNGULA

GENESA 3:1

ENYOKA A YI TLULA HI MANO
ESWIHARHI HINKWASWO
SWA TIKO, LESWI YEHOVHA
XIKWEMBU A NGA SWI ENDLA.
KUTANI YI KU KA WANSATI,
KUNENE, XIKWEMBU XI TE, MI
NGA TSHUKI MI DYA MURHI NI
UN'WE WA NTANGA?

GENESA 3:6-7

EWANSATI, KUTE LOKO A VONA LESWAKU MURHI A WU NANDZIKA,
NI LESWAKU WU NAVETISA MAHLO, NI LESWAKU WU NAVETISA KU
TLHARIHA, A KHA MIHANDZU YA WONNA, A DYA, A NYIKA NI NUNA
WA YENA LOYI NGI A RI NA YENA; KUTANI A DYA.

KUTANI MAHLO YA LAVAMBIRHI MAPFULEKA, VA TIVA LESWAKU VA
TSHAMA NTSENA; KUTANI VA RHUNGELA MATLUKA YA NKUWA, VA
TIENDLELA TINGUVU.

GENESA 3:14-15

YEHOVHA XIKWEMBU A KU KA NYOKA, LESWI U NGA ENDLISA
SWESWO, U TA RHUKETERIWA EXIKARHI KA SWIFUWO HINKWASWO,
NI XIKARHI KA SWIHARHI HINKWASWO SWA TIKO; U TA FAMBA HI
KHWIRI, U DYA NTSHURI HI MASIKU HINKWAWO YA KU HANYA KA
WENA:

NDZI TA VEKA KU VENGANA EXIKARHI KA WENA NI WANSATI, NI
XIKARHI KA RIXAKA RA WENA NI RIXAKA RA WANSATI; RI TA KU
FAYA NHLOKO, WENA U RI LUMA XIRHENDZE.

Lexi i xidyoho xo sungula lexi xi nga tsariwa a Bibeleni.
Kutlula hi mano swiharhi hinkwaswo, ku nga nyoka,
"ku xisa" Evha leswaku a dya xiphemu xa muhandzu
lowu wu nga aleriwa. I wu dyile a tlhela a wu nyika na
nuna wa yena, leswi swi nga endla leswaku va swi
lemuka leswaku a va ambalanga.

Xivutiso lexi xi nga erivaleni hi leswaku: Nyoka yi nga
vulavurisa ku yini? Xana apula ri na maendlelo
wahi na kuva u nga ambalanga xana?
Nakona, hikwihi laha mbewu ya nyoka
yi ringanelaka eka hinkwaswo leswi?

Bibele yi ri nyoka a yi tlula hi
"mano" eswhiarhi hinkwaswo.
A kotisa munhu, leswaku a
kota ku famba, ku vulavula,
hambi kuva na vutlharhi byo
vulavurisana. Endzhaku kaloko
a kanganyisile nsati wa Adam,
Xikwembu xi n'wi rhukanile
leswaku a va nyoka, kambe ku
onhaka a ku nga se endliwa na
mbewu a yi nga se byariwa.

Bibele yi ri eka Genesa 3:15
leswaku nyoka a yi ri na mbewu,
kutani Xikwembu xi vekile ku
vengana exikarhi ka timbewu leti
timbirhi. Swi le rivaleni leswaku,



mbewu ya nyoka yi hlanganile na mbewu ya ntumbuluko ya Evha ku nga si va na ku avana. Byi ngava mbuyelo bya njhani byebyo hinkwabyo bya kuva ku dyiwe apula? Kutani, tivhese tintsongo endzhaku, "Adamu u thyile nsati wa yena vito ra Evha; hikuva ari manana wa hinkwaswo leswi swi hanyaka." Mi swi lemuka leswaku a swi yuli leswaku Adam ari tatana wa hinkwaswo leswi hanyaka.

Kuna "mihandzu" yo hambarana a Bibeleni. Hakunene, kuna muhandzu lowu wa ntolovelu, tani hi apula, lowu wu kulaka wu tlhela wu humesa swakudya. Nakambe ku na muhandzu lowu wu kongomisiwaka eka mintirho ya hina, hambi ku nga hava kuri mintirho ya ntolovelu tani hi ku rima na bindzu, kumbe mintirho ya ximoya tani hi ku endla mahlorhi na ku chumayela Evhangelii. Kutani, ku na muhandzu wa xivelekelo, lowu wu kongomisiwaka eka vuyimani na ku tswariwa ka n'wana.

Xana ku dya muhandzu wa ntolovelu swi nga nyika Adam na Evha ku twisia kaloko a va ambalanga xana? Kumbe, swi nga ha teka vuxaka bya ntolovelu exikarhi ka wanuna na wansati eka vona ku twisia leswaku hikokwalaho ka yini va ti funengeta swirho swin'wana swa mirhi ya vona?

Kahle-kahle ku humelele yini hi siku lero Entangeni leswi swi nga endla leswaku vumunhu hinkwabyo byi wa?

*Tani hi Mbewu ya wansati yi nga ya ntolovelu
eka Xikwembu kuva xi ti tswala xona N'winyi*

enyameni ya ximunhu, swi nga leswi mbewu ya nyoka i ndlela ya ntolovelu ya Sathana leyia nga yi kuma laha a nga tipfulelaka nyangwa yena n'winyi eka rixaka ra ximunhu. A swi nga koteki eka Sathana (hikuva hi yena loyi a nga TUMBULUXIWA ari hi xivumbiwa xa ximoya) leswaku a ti tswala yena n'winyi hi ndlela leyia Xikwembu xi ti tswarisaka xiswona hi Xoxe, swingaleswi xikweleti xa Genesa xi hi byela hilaha a yi humesaka hakona mbewu ya yena ni ku tivisa kumbe leswi yena a nghenisaka xiswona ka rimbewu ra ximunhu. Ni ku tlhela a thya Sathana yaloye leswaku i "nyoka." I mbewu ya yena kumbe ku tinghenisa eka rimbewu ra ximunhu leri hi vulavulaka ha rona.

Loko Adam a nga siva na vutivi bya xinyama bya Evha, nyoka a yi ri na byona vutivi byebyo emahlweni ka yena. Nakona un'we loyi a nga tswariwa wa yena ari Kayini. Kayini ari wa (a tswariwi hi, ku tswariwa hi mani) yaloye "Un'we wo biha," I Yohana 3:12.

...Ntiyiso wa mhaka hi leswaku Evha ari na majaha MAMBIRHI eka xivelekelo xa yena (mahahlwa) kusuka eka ku tikisiwa loko a ku HAMBANILE. A rhwele mahahlwa, hikuva a surhe Kayini hinkarhi wuri wun'we na Abele.

Minkongomiso

GENESA 3:6-7

E wansati kute loko a vona leswaku murhi a wu nandziha, ni leswaku wu navetisa mahlo, ni leswaku wu navetisa kuthartha, a kha mihandzu ya wona, a dya, a nyika ni nuna wa yena loyi ngi ari na yena; kutani a dya.

Kutani mahlo ya lavambirhi mapfuleka, va tiva leswaku va tshama ntseña; kutani va rhungelela matluka ya nkuwa, va tindlela tinguvu.

[Xana va switive njhani leswaku a va ambalanga hi ku dya xiphemu xa muhandzu xana?]

GENESA 3:13-15

Yehovha Xikwembu a ku ka wansati, U swi endlele yini xana? Wansati a ku, I nyoka leyi yi nga ndzi kanganyisa, kutani ndzi dya.

YEHOVHA Xikwembu aku ka nyoka, Leswi u nga endlisa sweswo, u ta rhuketeriya exikarhi ka swifubo hinkwaswo, ni xikarhi ka swiharhi hinkwaswo swa tiko; u ta famba hi khwiri, u dya ntshuri hi masiku hinkwaswo ya ku hanya ka wena.

Ndzi ta veka ku vengana exikarhi ka wena ni wansati, ni xikarhi ka rixaka ra wena ni rixaka ra wansati; ri ta ku faya nhloko, wena u ri luma xirhendze. [Nyoka yi na mbewu. Swo va erivaleni, leswaku leswi a swi kongomisiwanga eka nyoka.]

GENESA 3:20

Adam a thya nsati wa yena evito ra Evha, hikuva u ve mana wa lava hanyaka hinkwavo.

[Hikokwalaho ka yini Adam a nga thyiwanga tatana wa hinkwavo lava va hanyaka xana?]

GENESA 4:1-2

Adam a tiva Evha ensati wa yena; kutani a tika nyimba a veleka Kayini, a ku, Ndzi kumile munhu ha YEHOVHA.

A engeta a veleka ndzisana ya yena Abele. Abele ari murisi wa tinyimpfu, Kayini yena a rima misava.

[Vutomi hinkwabyo byi huma eka Xikwembu, hambi u tike hi ku hunguka kumbe a hi ku hunguka. Sathana a nge swikoti ku tumbuluxa vutomi.]

LUKA 3:38

Wa Enos, wa Set, wa Adam, wa Xikwembu.

[U kwih i matevula Kayini eka rixaka ra Adam xana?]

I YOHANA 3:12

Hi nga kotisi Kayini la ngi ari wa lowo biha, kutani u dlele makwavo. Kutani u n'wi dlayela yini xana? Hikuva mintirho ya yena a yi ri leyo biha, kasi ya makwavo a yi lulamile.

[Xikwembu xi tumbuluxile Adam hi xivumbeko xa Xona. Xana vubihi bya Kayini a byi ta byi huma kwih i xana, nakona ku lulama ka Abele a ku ta ku huma kwih i? Swihlawulekiso swa vona swi tekele eka vatatana va vona.]

JUDA 1:14

Hi vona valavo Enok, wanuna lowa vunthamu na vambirhi kusukela eka Adam, a nga va bvumbha loko a te, Vonani, Hosi yi tile ni vakwetsimi va yoma va madzanadzana ku ta avanyisa hinkwavo,

[Ku hava a Bibeleni laha Kayini a nga eka Xivongo xa Adam.]



Siku Leri Ri Chavisaka Ra Hosí

MALAKIYA 4:1

VONANI, HIKUVA, SIKU RATA, LERI
RI HISAKA KU KOTISA NDZILO WA
XITIKU...

MALAKIYA 4:5-6

VONANI, NDZI TA MI RHUMELA MUPROFETA ELIYA, SIKU RA
YEHOVHA RI NGA SI TA, LERIKULU, LERI CHAVISAKA:
UTA TLHELERISELA TIMBILU TA VATATANA EKA VANA VA VONA, NI
TIMBILU TA VANA EKA VATATANA WA VONA, LESWAKU NDZI NGA
TSHUKI NDZI TA, KUTANI NDZI BA TIKO HI KU RI LOVISA.

Buku yo hetelela ya Testamente ya Khale yi tshembhisa ku onhiwa ka misava. Kambe loko makumu ma nga se fika, muprofeta Eliya u bvumbhiwile ku tlhela a vuya a ta tivisa Mesiya. Van'wana vari Yohana Mukhuvuri u hetisisile vuprofeta lebyi.

Gidi-mbirhi wa malembe lawa ya nga hundza, ma Yuda a va languterile ku vuya ka Mesiya. Va swi tiva leswaku Malakiya u profetile hi ta munhu loyi a nga na moyo wa Eliya leswaku u tata a ta va tivisa Mesiya. Kambe loko Yohana Mukhuvuri a fika, a ngari hi leswi a va swi languterile eka Eliya leswi a ri xiswona. Loko va tava va vutisile Yesu leswaku hikokwalaho ka yini Eliya a nga sungulanga hi ku ta kusungula, U va byerile erivaleni leswaku Yohana hi yena loyi a hetisia vuprofeta byebyo: *"Loko mi swi amukerile, loyi hi yena Elias, loyi a fanele hi ku ta."* (Elias i xivumbeko xa Xigriki xa vito ra Xiheveru ra, Eliya.)



Kova ntsena xintlawani xintsongo xa vanhu lexi xi nga amukela nhlavutelo lowu. Eka vunyingi bya va rhangeri va vukhongeri, Yohana a nga ha ri nchumu kutlula ku gingirika ngopfu ehenhleni ka ku sandziwa hi minhlangano. Kungari ntsena leswaku a va wu lemukanga moyo wa Eliya, kambe a swo nyanya, nakambe va hupe ku Vuya ka Kreste.

Swive tano nale ka Yohana Mukhuvuri a nga hetisisa vuprofeta bya Malakiya? Kungari hi ku hetiseka.

Xo sungula eka hinkwaswo, misava a yi “se tshwa tani hi ndzilo wa xitiko” hambi swi ri tano, swingaleswi ha switiva leswaku xiphemu xa Malakiya 4 xa ha fanele hi ku humelela. Xiphemu xin’wana xa Matsalwa lexi Yohana a nga xi hetisisangiki i ku, “tlherisela timbilu ta vana kuya eka va tata wa vona.” Nakona, Yesu, yena hi Yexe, u profetile leswaku Eliya u ta (nkarhi lowu taka) tata a ta tlherisela hinkwaswo. (Mate 17:11)

Swingaleswi hi fanele ku langutela Eliya ku nga se fika ku Vuya ka Kreste ra Vumbirhi!

Sweswi, eka siku leri ra ximanguva lawa, i nkarhi wa ku Vuya ra Vumbirhi ka Hosi Yesu. Nakambe, hi tshembhisiwile leswaku moyo wa Eliya wu ta N’wi tivisa eka hina kuya hi Malakiya 4. Kambe i ntlawi wihi wa vanhu lowu wu nga ta n’wi lemuka Eliya loko a ta xana? Ntsena eka lava va nga n’wi langutela.

Marito lawa ya Hosi ya hina na Muponisi ma ta emiehlekeweni loko hi ehleketa hi vuprofeta bya Malakiya eka tiawara leti ti pfalaka ta nkarhi:

**Kambe ndzi ri eka n’wina, Leswaku Elias
u tile, nakona a va n’wi tivanga...**

Matewu 17:12



Xana ku nga humelela yini loko hi hupa ku ta loku ka Eliya xana? Xana hi ngava hi hupe ku Vuya ka Kreste ra Vumbirhi, kukotisa vatsari na Vafarisi va nga hupa Ku ta ka Yena ro Sungula hikuva va nga lemukanga Yohana Mukhuvuri?



Minkongomiso

II TIHOXI 2:15

Vana va vaprofeta lava ngi va ri Yeriko va langutene na yena, kute loko va n'wi vona va ku **Moya wa Eliya wu tshame eka Elixa**. Va ya hlangana na yena, kutani va nkhisama ehansi emahlwени ka yena.

ESAYA 40:3-4

Rito ra loyi a huwelelaka emananga, Lunghisani mananga endlela ya YEHOVHA, khurhelani mananga endlela ya Xikwembu xa hina.

Nkova wun'wana ni wun'wana wu ta seleteriwa, ntshava yin'wana ni yin'wana ni xitsunga xin'wana ni xin'wana xi ta mbundzumuxiwa. Xitsunga xi ta hundzuka rivala, kutani tintshava ti ta hundzuka minkova. [Yohana Mukhuvuri]

MALAKIYA 3:1

Vonani, ndzi ta rhuma ntsumi ya mina [Yohana Mukhuvuri], **yi ta lunghisa ndlela emahlweni ka mina**; kutani xikan'we, Hosi leyi mi yi lavaka yi ta nghena etempeleni ya yona, yi nga ntsumi ya ntwanano lowu mi wu navelaka; Vonani wa ta, kuvula Yehovha wa mavandla.

MALAKIYA 4:1-6

Vonani, **hikuva, siku rata, leri ri hisaka ku kotisa ndzilo wa xitiku** [a swi se humelela sweswi], kutani vatikukumuxi hinkwavo, ni hinkwavo lava endlaka swo biha, va ta kotisa byanyi bya ku oma; siku leri ri taka ri tava hisa, kuvula YEHOVHA wa mavandla, a ku nga ha sariwi rimintsu, kumbe rhavi.

Kambe loko miri n'wina lava chavaka vito ra mina, Dyambu ra ku lulama ri ta huma ri ri ni ku hanyisa etimpapeni ta rona; mi ta huma, mi tlula eku fana ni marhole yale tshangen.

Mi ta kandziyela vabibi, hikuva ta fana ni nkuma ehansi ka vukandziyo bya milenge ya n'wina, esikwini leri nga ta endliya hi mina, ku vula YEHOVHA wa mavandla.

Tsundukani nawu wa Muxe nandza wa mina, lowu ndzi wu leriseke va Israel hinkwavo ha yena eHoreb, wu nga nauwu ni ku lerisa.

Vonani, ndzi ta mi rhumela muprofeta Eliya, siku ra YEHOVHA ri nga si ta, lerikulu, leri chavisaka.

U ta tlherisela timbilu ta vatatana eka vana va vona [Yohana Mukhuvuri], ni **timbilu ta vana eka vatata wa vona** [Eliya wa ximanguva lawa], leswaku ndzi nga tshuki ndzi ta, kutani ndzi ba tiko hi kuri lovisa.

MATEWU 11:10

Hikuva ku tsariwe ta yena loko va te: Maswivo, ndzi rhume mahlweni ka wena entsumi ya mina, yi ku lunghisela ndlela emahlweni ka wena. [Malakiya 3:1, Yohana Mukhuvuri]

MATEWU 11:14

Kutani loko mi rhandza ku amukela timhaka leti, hi yena Elias la fanekeleke ku ta. [Yohana Mukhuvuri]

MATEWU 17:11-12

Yesu a va hlamula, a ku ka vona, **Kunene Eliya u fanele ku ta, ku ta tlherisela hinkwaswo eku lulameni**. [Eliya wa ximanguva lawa]

Kambe ndzi ri ka n'wina, Eliya u tile, kambe a va n'wi tivanga, kutani va n'wi endlile hinkwaswo leswi va swi rhandzeke. [Yohana Mukhuvuri] **N'wana wa munhu na yena u ta twisiwa ku vaseka hi vona.**

LUKA 1:17

Kutani u ta n'wi rhangela emahlweni hi moyo ni matimba ya Elias, u ta vuyisela timbilu ta vatatana eka vana va vona, ni va kaneti, evutlharrini bya lavo lulama, eku lunghisela Hosi etiko leri nga ni mafundha. [Yohana Mukhuvuri]

VAHEVERU 4:12

HIKUVA RITO RA XIKWEMBU I RITO
 LERI HANYAKA, LERI TIRHAKA,
 LERI KARIHAKA KUTLULA
 TLHARHI LERI NGA NI VUKARHI
 HI MATLHELO MAMBIRHI, RI YA
 FIIKA MAHLANGANENI YA MBLU
 NI MOYA, NI KA MISIHA NI MONGO,
 KAMBE RONA LERI AVANYISAKA
 MIANAKANYO NI MAKUNGU YA
 TIMBLU.

Na tidyondzo to tala ngopfu, tidinominexini, na mintoloveloo eka misava ya ximanguva lawa, xana mupfumeri wa ntiyiso u ringanelia kwihia xana? Loko Petro, Yakob, na Yohana avari kona kwala emisaveni namuntlha, xana a va tava va joyinile dinominexini yihi xana? Xana mahlori a ya ha ta landza ministri wa vona xana kumbe a va tava va ha vula leswaku masiku lawa ya hundze khale? Xana a va ta xegela loko swi ta eka nkhuvalo xana? Xana a va ha ta landzelela dyondzo ya kereke ya vona hambi loko yi hume swintsongo eka Rito? Xana a va ta ha pfumela Bibebe xana, kumbe a va ha ta pfumela eka Vafarisi na Vasaduki va namuntlha xana?

Tivutisi xivutiso lexi: Loko Yesu Kreste ari kona kwala namuntlha, xana a wu ta tshika hinkwaswo u N'wi landza xana? Xana a wu ta pfumela eka Rito ra Yena xana?

U mi nyikile nkateko wun'we ni lowu Yena a nga wu nyika vadyondzisiwa va Yena. U vekile xibukwana lexi evokweni ra wena ku ku kombisa Rito ra Yena endzhaku ku nga, Bibebe ya Yena. Xana wa ha ta xegela xana?

*Vavanuna na vavasati, vanghana, ma xi
 lemuka Xikwembu xa Matilo lexi xi nga
 pfuxa Kreste Yesu ekufeni, A nga fangi
 kambe Wa hanya. Nakona loko A hlayisile
 Rito ra Yena a hlayisela Davida, loko Ari
 hlayisele Eliya, loko A ri hlayisele Muxe,
 loko A ri hlayisele vana va Vaheveru, loko A
 ri hlayisela na—na Daniel, U ta mi hlayisela
 rona n'wina na mina.*



XANA WA HA LAVA KU TIVA SWOTALA XANA?

www.hungu.info

kumbe

VOICE OF GOD RECORDINGS
58 DISA RD., ADMIRAL'S PARK, GORDON'S BAY,
7140 WESTERN CAPE, REPUBLIC OF SOUTH AFRICA



XIHUNDLA XA XIKWEMBU

NHLAVUTELO 10:7

www.hungu.info

VOICE OF GOD RECORDINGS
58 DISA RD., ADMIRAL'S PARK, GORDON'S BAY,
7140 WESTERN CAPE, REPUBLIC OF SOUTH AFRICA

XITSONGA